



17. august 2012
08. marts 2012

UKA 2012/54
UPA 2012/54

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Kalaallit Nunatsinni efterskolimik suli ataatsimik, Tasiilami inissinneqartussamik, UKA 2013-mut pilersitsinissaq pillugu Naalakkersuisut siunnersuusiornissamik peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Harald Bianco, Inuit Ataqatigiit)

Tunngavilersuut:

Efterskoleqarnermik aaqquissuussineq Kalaallit Nunatsinni nuannarineqartorujussuuvoq, efterskolerniarlutillu qinnuteqartut atuarfiit atuartorisinnaassaannit amerlanerungaatsiartunit qinnuteqartarlutik.

Efterskolinut atuuttunut marluusunut ukioq atuarfiusumut 2011/2012-imut atualernissaminnut qinnuteqartut, tiguneqartut aamma itigartinneqartut nalunaarsorneqarnerat imatut ilisimatitsisutigineqarpoq:

	QINNUTEQARTUT AMERLASSUSAAT	TIGUNEQARTUT AMERLASSUSAAT	ITIGARTINNEQARTUT AMERLASSUSAAT
Villads Villadsenip Efterskolia	180	80	100
Maniitsumi Efterskoli	160	70	90
Danmarkimi Efterskolit	328	259	69
KATILLUGIT	668	409	259

Tassalu qinnuteqartunit 668-iusunit 259-it itigartitaasariaqarsimapput.

Efterskolit nuannarineqarluarnerat aammalu misilittagaalersut tunngavigalugit inuttut pilsarsilluaataasarnera pissutigalugit, suli efterskolimik atajuartussamik ataatsimik pilersitsinissamik matumuuna siunnersuuteqarpunga.

Efterskolit atuuttut marluusut, Villads Villadsenip Efterskolia Qasigiannuaniittoq aammalu Maniitsumi Efterskoli Nunatta Kitaani inissisimmammata, siunnersuutigissavara efterskoli nutaasaq Tunumi, tassalu Tasiilami, inissinneqassasoq.

Tasiilami efterskolimik nutaamik inissiisoqarneratigut Tasiilap illoqarfianut, eqqaamiorisaanut innuttaasunullu annertuumik sunniuteqartussaavoq. Atualerumaartussat pinnngortitarsuaq kusanaqisoq alutornangaartorlu kisiat pinnagu, kulturili allaanerusoq misigisaqarfigissavaat, il-

loqarfimmilu ulluinnarni inuunermi eqeersaataaginnaratik, inooriaatsimik allatut ittumik ilaqu-tariit attaveqarfigilerumaakkatik nutaanik misigisaqartissavaat.

Efterskoliulereersut allat assigalugit asiliarnissamut asimiinnissamullu Tasiilap eqqaa periarfissa-lissuuvoq. Aasaanerani nunarfiit inuerunnikut Qernertuarsuit imaluunniit Ikkatseq, kiisalu atuar-fiup lerjerskolia ormissallugit periarfissaapput pitsassuit. Taamatullu ukiuunerani qimussimik asiliarsinnaaneq periafissaalluni.

Efterskolip siunertaa tassaavoq atuartsinermik ataatsimoornissamillu neqerooruteqartoq, ilinni-artut inuttut tamakkiisumik inerikkiartornissaat, kiisalu nalinginnaasumik perorsarneqarlutillu ilinniarnissaat siunertaralugu qaammarsaanermik demokratiilu tunngavigalugu peroriartornissa-mik pingaarnertut anguniagaqartoq.

Eqqarsaatigineqarsinnaavoq Tasiilami efterskolimi atualerumaartutut tigutittartut annermik Nu-natta Kitaaneersuunissaat, taamaalillutik nunagisami ilaata allaanerusup qaammaasaqarfigineru-lernissaanut periarfissaqalissallutik aammalu illuatungani efterskolini Nunatta Kitaaniittuni pingaarnertut atuartunngortussat Tunumeersut tiguneqartarsinnaassallutik.

Efterskolit periarfissaqarmata immikkut tapersernejarnissamik pisariaqartitsisunut atuartitseri-aatsineq immikkuullarissunik aallartitsinissaminnik, nutaamik efterskoliliornissaq qinnuteqarnis-samut piumasarineqartunut naammassinnissinnaasunut periarfissatsialaavoq pitsaalluinnartoq.

Danmark-imi efterskolernissanut periarfissanut tunngasut, qulaani kisitsisitigut taasat saniatigut, siunnersuummut uunga tunngavilersuutini akulerullugit eqqartussanngilakka.

Pisortanut aningaasatigut allaffissornikkullu kingunerisassat.

Apeqqutaatillugu Tasiilami atuarfiliornissamut kollegialiassamillu piukkunnartunik nutarsagas-sanik illuuteqartoqareernersoq, imaluunniit nutaarluinnarnik sanaartortoqassanersoq, pilersitsine-rmi sanaartugassanut aningaasartuutissat 75 aamma 100 millioner koruunit akornanni anin-gaasartuutaanissaat missiliorneqarpoq. Taakkua saniatigut iluaqutissatut sunniutissai ilanngun-neqassapput, tassalu akileraarutigut kommunitut Namminersorlutillu Oqartartussanut isertitas-sat.

Naleqqiulugu taaneqarsinnaavoq, Villads Villadsenip Efterskolia illunik pioreersunik al-lanngortiterinikkut nutartigaasoq, 45 millioner koruunit missiliorlugit akeqarsimammat.

Taakkua saniatigut Efterskolit pillugit Inatsisartut inatsisaat nr. 13, 5. december 2008-meersoq malillugu Namminersorlutik Oqartussat ingerlatsinermut tapiissuteqassapput, taakkulu ukiumut 13 millioner koruunit missiliussagai naatsorsuutigineqarpoq.

Allaffissornikkut kingunerisassai tassaajumaartussaapput piffissamik pilersaarusiornernut tunn-gatillugu atuiffiusussat, kingusinnerusukkullu, efterskoli atuleriarpat, Inatsisartut inatsisaanni § 21 naapertorlugu nakkutilliinermut piffissaq allaffissornermullu atugassat.

Namminersorluni inuussutissarsiuteqarnermut aningaasatigut allaffissornikkullu kingune-risassat.

Siunnersuut aningaasatigut allaffissornikkullu kingunipiloqarnissaa maannangaaq naatsor-suutigineqanngilaq. Illuatungaatigulli namminersorluni inuussutissarsiutilinnut iluaqusiisus-saavoq, taakuussagunarmatami efterskolimik sanaartortussat, taamalu aamma sanaartornermik

ingerlataqartut aningaasatigut isertittagaasa qaffariarneranik kinguneqartussaalluni, taamatutaaq illoqarfimmi namminersorlutik inuussutissarsiuteqartunut.

Innuttaasunut aningaasatigut allaffissornikkullu kingunerisassat.

Efterskolip tamakkiisumik sananeqarnerata nalaani suliffissanik pilersitsisoqassaaq, taassumalu kingorna efterskolimi sulisuulerumaartussat suliffinnik nutaanik periarfissaqartinneqalissapput. Taakkua saniatigut siunnersuut innuttaasunut aningaasatigut allaffissornikkulluunniit kinguneqartussaassanngilaq.